

2021 年高師大原住民族語朗讀【北排灣語】 編號 2 號

puljacengan i qeljuqeljuwan

- 1 za nacemuvuq a kisurimadju nu ljacengan, pinaka ti mukav. tjengelay a  
2 mezangal ta izua matjevetjeveng a kadjunangan sedjaljep a kaizuanan.  
3 izua za matjaita a qucaqucalj, ika cadja tua nia putapavan, cemecemel  
4 aravac maru i vukid. aza nia ljaqediqedi a vavayavayan rugedged a semazua  
5 kimukav. aza kimukav, pikadrain anan sa qepuyi, nu mapeljuq anga a kadrai,  
6 djaljengen sa pavavadayi a pi cepeng.  
7 tiamadju a vavayavayan, savida djemelidjeli, namasilevan tua tinuquljan a  
8 kiniljaceng. sa pasaseqaliuliyus a qemarut tua ljaqediqedi nu djemaljun anga i  
9 umaq. aicu a kiniljaceng a mukav ludjeludje anan savid a ingaingav a gineces.  
10 ka sivai a ljaceng tazua, matjatju pumaljimalji masalu aya!  
11 pulavalavai tucu a qadav, vaik aken a kipavalit tua qucengecengel saka  
12 ladruadruq a kasuy, katua sitjukatjukap nu qemudjalj. tazua puntalj aken a  
13 kimukav, sa mangtez a seman kayiven, sa ku cianen, tjara sanguaq a ludjeludje  
14 aya aken. ka qemecap aken sa ku paqayami, ua! manu qadid saka  
15 djalamelameng, izua za ku suraman a pagalju dri tazua!  
16 ljakua aku tjuruvu a tjngelay a keman? kavililj anga na kivadaq aken tjai  
17 kinai laulav, djemeli ti madju, mayatucu a qivu tja nu aken, tja selaven a palamu,  
18 tu semu qadidan, satje paciyanan tua suantau, pumaya ljamljam uta, numatazua  
19 kisanguaqanga aya! haha! nu ika tjen a napavavala a kilaut tua sengsengan,  
20 tjara neka nu tja sinikeljangan a paqulid!  
21 sanguaq a mukav a paqulid, ljakua macemecemel a kiljaceng, na qemutela  
22 aravac, kipavalit satje mirava, mayanga nagemagalj aizua, ayata madjulu itjen a

23 mangada tua ljavaia kata mageris ta djuji; palemek nu sedjulat itjen ta karickic

24 ta viniqu nu qatjuvian! nu kinemenem itjen tucu, tjara magagalj itjen a paqulid!

25 pai pacuni! izuaicu a kuisang a tja langdangedan tua tja kakanen, azua

26 maparamur anga aravac a sipucamelan tua ljaceng, azua ljayar na saqetjuan,

27 azua a abura tja siciyaciyan, kemakan itjen sakamaya tu tja sikasaqetjuan a

28 nememanemanga.

29 aicu a kuisang kanu ta kalamiyan, maya keman ta pinakakudakuda a

30 kakanen aya. kumalji kimaumaulj a kakudan i kacauan, nakuya itjen a

31 dremaudrav tua tja kakudan tua tja lami a kasicuayanan!